

ՆԱԽԱԿՆԵՐ ԽՄԲԱԿՐՈՒԹՅԱՆԸ

1

Ձեր հանդեսի այս տարվա N 3-ում տպագրված «Դիտողություններ Դավիթ բեկի ապստամբությունից պատմության շուրջը» մեր բանավեճային հոդվածում խոսելով, ի միջի այլոց, Ղափանի ապստամբության ղեկավարների միջև եղած որոշ տարաձայնությունների մասին և, չգտնելով հարմար բնորոշում, սխալմամբ դործածել ենք «կողմնորոշում» բառը։ Այդ անհաջող արտահայտությամբ արված ձևակերպումները կարող են առիթ տալ թյուրմտման։ Ուստի հարկ ենք համարում այստեղ նշել պատմական այն իրողությունը, որ Ղափանում նկատված այդ մասնակի տարակարծությունները չեն ազդել և չլին կարող ազդել Դավիթ բեկի զլխավորած շարժման բնոչանությունը և կողմնորոշման (օրինակ տացիայի) վրա։

Հայտնի է, որ դեռևս XVII դարի վերջին քառորդում ուսական կողմնորոշումը պարարտ հող գտավ հայ իրականության մեջ և հետագայում ավելի ամրապնդվեց ու դարձավ համաժողովրդական։ Հայերի ազատագրական շարժումները պատմական անխուսափելիությամբ կապված էին Ռուսաստանի աջակցության հետ։ Եվ կասկածից վեր է, որ ինչպես արցախեցիները ու ամբողջ հայ ժողովուրդը, այնպես էլ Ղափանի ապստամբները ունեցել են ուսական օրինակ տացիա։ Այդ մասին արդեն հրապարակված են ոչ լիչ զիտական ուսումնասիրություններ։

Ա. ՄԱԿՈՅԱՆ

2

«Լրարբեր հասարակական գիտություններին» ամսագրի 1973 թ. N 6-ում աղբյուրագետ Պ. Մուրադյանն իր «Դիտողություններ Օձունի արձանագրությունների վերծանության առթիվ» հոդվածում մի շարք անընդունելի գիտողություններ անելուց հետո, որոնք վերաբերում են երիտասարդ ճարտարապետ Գ. Շախկյանի վերծանությանը, ի միջի այլոց խոսում է նաև 1945 թ. մեր հրատարակած Ավանի տաճարի պատերից բնկած և այժմ նորից վերաշարված մեկական բառ պատունակող երկու արձանագրությունների մասին, որոնցից մեկը բովանդակում է Յոհան անունը, իսկ մյուսը մի փակագիր է Ա գրի վրա հյուսած, որ վերծանել ենք Դաւիթ անձնանունը, որ Գեորգի-հնում շատ տարածված բարբառային ձևն է և կարդացվել է Դուրկ։ Այդպես վերծանելու համար մենք հիմք ենք ունեցել փակագրի մեջ պարզորեն երևացող գ, ա, է, ր, կ գրերը։ Ենթադրել ենք, որ Յոհանը և Դուրկը Ավանի տաճարի կառուցման ժամանակ Հովհան հակաթոռ կաթողիկոսի գործակիցներից են եղել, զուցե և տաճարը կառուցող վարպետներից երկուսը։ Այդ ենթադրությունն անելու համար հիմք ենք ունեցել վերոհիշյալ արձանագրությունների գրերի հազույն ձևերը և հին վարպետների սովորությունը իրենց կառուցած տաճարների որևէ տեղում իրենց հիշատակելու։

Պ. Մուրադյանը վերևում նշված իր հոդվածում մերժում է մեր վերծանությունը և երկու տարբեր մարդկանց անունները (Յոհան և Դաւիթ) միացնելով միմյանց, կարդում է Յոհան սաւեկաւազ, հաշվի չառնելով այդ վերծանությանը խանգարող հանգամանքները։

Յոհան և Դաւիթ (կամ իր ընթերցմամբ սաւեկաւազ) անունները տարբեր քարերի վրա են գրված, ըստ որում Յոհան անունից հետո բավական ազատ տեղ կա, որտեղ կարող է գրվել Դաւիթ կամ սաւեկաւազ փակագիրը։ Աղբյուրագետ Պ. Մուրադյանը լավ պետք է իմանար, որ հը-

1 Կ. Ղ ա ֆ ա դ ա ր յ ա ն, Ավանի երկնգվյան ծածկագիր արձանագրությունը, Երևան, 1945, էջ 15—16։

նում բառերը իրարից անջատ չէին դրում, մանավանդ վիճական արձանագրությունների մեջ։ Նշանակում է, եթե բառերն իրարից անջատ են, նույն արձանագրության մասերը չեն կարող լինել։

Սակայն մի պահ ենթադրենք, որ այդ մի արձանագրությունը բացառություն է և փոքրագրող վարպետը հաշվի չի նստել սովորությունների հետ և երկու բառանոց այդ փոքրիկ արձանագրության բառերը իրարից անջատ, իրարից հեռու է դրել։ Այս դեպքում էլ Պ. Մուրադյանը սխալ է, որովհետև Յոհան անունը գրված է 11 սմ երկարություն ունեցող գրերով, իսկ 'Իաւրկ-ի գրերի երկարությունը 13,5 սմ է։ Միթե այդքան գեղեցիկ գրեր թանգակող վարպետը մի բառը կարող էր գրել փոքր գրերով, մյուսը՝ ավելի մեծ։

Այդ բոլորից անկախ, հարգելի աղբյուրագետը պետք է լավ իմանար, որ առանց սկզբնական և գրի սարկաւազ չի կարող լինել։ Բանն այն է, որ Մուրադյանը միևնույն և գիրը երեք անգամ ա է կարդում և մի անգամ էլ՝ ս։ Փակագրի մեջ ս գիր չկա։ Մուրադյանը ա գրի ելուստը կրճատում է (մի անգամ, որպեսզի սաւկաւազ բառն ստանա)։

Եթե մի թիչ առաջ տանենք Պ. Մուրադյանի փակագիր կարդալու եղանակը, այդ սարկաւազին պրեթե ոչ մի ելուստ չավելացնելով կարող ենք ավագության աստիճան տալ և փակագիրը կարդալ աւագ սաւկաւազ։ Միայն այս դեպքում միևնույն ա-ն ոչ թէ 3, այլ 5 անգամ պետք է կարդայինք և մի անգամ էլ այդ ա-ն կարդայինք ս։ Եթե վերծանության այս սխտեմը մի թիչ ավելի զարգացնենք և մի փակագրի պատկերի մեջ մեր 36 գրերի ելուստները տեղավորենք ինչպիսին կա Հաղբատավանքի հուշարձաններից մեկի պատին, այդ փակագրի մեջ կարող կլինենք կարդալ խորենացու պատմությունը սկզբից մինչև վերջ կամ մեր միջնադարյան ողջ գրականությունը, թանի որ այդ ամբողջի մեջ միայն 36 գիր կա։

Անընդունելի է Պ. Մուրադյանի ոչ միայն Ավանի վերահիշյալ երկու արձանագրությունների կյսմայական վերծանությունը, այլև նրա հորինած վերծանության եղանակը ընդհանրապես։

Պրոֆ. Կ. ՂԱՏԱԴԱՐՅԱՆ